

## **«Փի-Էյջ-Փի Փարթնըրզ» ՓԲԸ**

Համախմբված ֆինանսական հաշվետվություններ  
2021թ դեկտեմբերի 31-ին  
ավարտված տարվա համար

## **Բովանդակություն**

Համախմբված ֆինանսական արդյունքների և չբաշխված շահույթների մասին հաշվետվություն	3
Համախմբված ֆինանսական վիճակի մասին հաշվետվություն	4
Համախմբված դրամական միջոցների հոսքերի մասին հաշվետվություն	5
Համախմբված ֆինանսական հաշվետվություններին կից ծանոթագրություններ	6

«Փի-Էլք-Փի Փարթնրոյզ» ՓԲԸ  
 Համախմբված ֆինանսական արդյունքների և չբաշխված շահույթների մասին հաշվետվություն  
 2021թ դեկտեմբերի 31-ին ավարտված տարվա համար

	Ծնթգ.	2021թ. հազ. դրամ	2020թ. հազ. դրամ
Հասույթ	4	404,772	273,770
Վաճառքի ինքնարժեք	5	(297,561)	(230,403)
<b>Համախառն շահույթ</b>		<b>107,211</b>	<b>43,367</b>
Վարչական ծախսեր	6	(5,441)	(2,989)
Այլ եկամուտներ		89	140
Այլ ծախսեր		(10,770)	(1,360)
Տոկոսային եկամուտ		346	484
Փոխարժեքային տարբերություններից զուտ օգուտ (կորուստ)		(52)	18
<b>Շահույթ մինչև հարկումը</b>		<b>91,383</b>	<b>39,660</b>
Շահութահարկի գծով ծախս	7	(18,264)	(7,222)
<b>Տարվա շահույթ</b>		<b>73,119</b>	<b>32,438</b>
<i>Մայր կազմակերպության սեփականատերերին վերագրելի</i>		74,147	32,498
<i>Չվերահսկող բաժնեմասին վերագրելի</i>		(1,028)	(60)
<b>Զբաղիված շահույթներ տարվա սկզբի դրությամբ</b>		<b>33,212</b>	<b>39,774</b>
<i>Մայր կազմակերպության սեփականատերերին վերագրելի</i>		33,067	39,570
<i>Չվերահսկող բաժնեմասին վերագրելի</i>		145	204
<b>Շահաբաժիններ</b>	8	<b>(42,000)</b>	<b>(39,000)</b>
<i>Մայր կազմակերպության սեփականատերերին</i>		(42,000)	(39,000)
<i>Չվերահսկող բաժնեմասին</i>		-	-
<b>Զբաղիված շահույթներ տարվա վերջի դրությամբ</b>		<b>64,331</b>	<b>33,212</b>
<i>Մայր կազմակերպության սեփականատերերին վերագրելի</i>		65,214	33,067
<i>Չվերահսկող բաժնեմասին վերագրելի</i>		(884)	145

Համախմբված ֆինանսական հաշվետվությունները հաստատվել են Խմբի ղեկավարության կողմից 2022թ.-ի հունվարի 21-ին և ստորագրվել են վերջինիս անունից:

 Հովհաննես Պետրոսյան Տնօրեն		 Արուսյակ Աղաջյան Գլխավոր հաշվապահ
--	---	---

Համախմբված ֆինանսական արդյունքների և չբաշխված շահույթների մասին հաշվետվությունը պետք է ընթերցվի 6-ից 20-րդ էջերում ներկայացված համախմբված ֆինանսական հաշվետվությունների բաղկացուցիչ մաս կազմող ծանոթագրությունների հետ մեկտեղ:

	Ծնթգ.	<b>2021թ. հազ. դրամ</b>	<b>2020թ. հազ. դրամ</b>
<b>ԱՎՏԻՎՆԵՐ</b>			
<b>Ոչ ընթացիկ ակտիվներ</b>			
Հիմնական միջոցներ	9	6,989	7,274
Ոչ նյութական ակտիվներ	10	71	145
Հետաձգված հարկային ակտիվ	11	1,506	1,070
<b>Ընդամենը ոչ ընթացիկ ակտիվներ</b>		<b>8,566</b>	<b>8,489</b>
<b>Ընթացիկ ակտիվներ</b>			
Պաշարներ	12	842	623
Իրական արժեքով չափվող ներդրումներ	13	763	774
Առևտրային և այլ դեբիտորական պարտքեր	14	29,961	37,820
Դրամական միջոցներ և դրանց համարժեքներ	15	67,483	27,397
Այլ ակտիվներ		127	127
<b>Ընդամենը ընթացիկ ակտիվներ</b>		<b>99,176</b>	<b>66,741</b>
<b>Ընդամենը ակտիվներ</b>		<b>107,742</b>	<b>75,230</b>
<b>ՍԵՓԱԿԱՆ ԿԱՊԻՏԱԿ ԵՎ ՊԱՐՏԱՎՈՐՈՒԹՅՈՒՆՆԵՐ</b>			
Կանոնադրական կապիտալ		2,000	2,000
Պահուստային կապիտալ		600	600
Զբաղիված շահույթ		65,214	33,067
<b>Ընդամենը մայր կազմակերպությանը վերագրելի սեփական կապիտալ</b>		<b>67,814</b>	<b>35,667</b>
Զվերահսկվող բաժնեմաս		1,416	2,444
<b>Ընդամենը սեփական կապիտալ</b>		<b>69,230</b>	<b>38,111</b>
<b>Ընթացիկ պարտավորություններ</b>			
Առևտրային և այլ կրեդիտորական պարտքեր	16	38,512	37,119
<b>Ընդամենը ընթացիկ պարտավորություններ</b>		<b>38,512</b>	<b>37,119</b>
<b>Ընդամենը սեփական կապիտալ և պարտավորություններ</b>		<b>107,742</b>	<b>75,230</b>

Ծնթգ.	2021թ հազ. դրամ	2020թ հազ. դրամ
<b>ԳՈՐԾԱՆՎԱԿԱՆ ԳՈՐԾՈՒՆԵՈՒԹՅՈՒՆ</b>		
Հանախորդներից ստացված դրամական միջոցներ	484,464	308,313
Մատակարարներին վճարված դրամական միջոցներ	(28,748)	(22,605)
Աշխատակիցներին վճարված դրամական միջոցներ	(270,265)	(200,745)
Շահութահարկի գծով վճարումներ	(9,809)	(13,385)
Շահութահարկի գերավճարի հետվերադարձ	-	213
Վճարված հարկեր, բացառությամբ շահութահարկի	(74,120)	(47,404)
Բանկային մնացորդի նկատմամբ հաշվարկված տոկոսների ստացում	216	201
Այլ եկամուտներ	88	-
Բանկային ծառայության ծախսեր	(96)	(125)
Բարեգործական ծախսեր	(6,414)	(1,000)
<b>Դրամական միջոցների հոսքեր ստացված գործառնական գործունեությունից/ (օգտագործված գործառնական գործունեությունում)</b>	<b>95,316</b>	<b>23,463</b>
<b>ՆԵՐԳՐՈՒՄԱՅԻՆ ԳՈՐԾՈՒՆԵՈՒԹՅՈՒՆ</b>		
Հիմնական միջոցների ձեռքբերում	(3,874)	(8,652)
Ոչ նյութական ակտիվների ձեռքբերում	-	(250)
Ներդրումային ֆոնդում փայի մարումից մուտքեր	-	11,016
<b>Դրամական միջոցների հոսքեր օգտագործված ներդրումային գործունեությունում/ (ստացված ներդրումային գործունեությունից)</b>	<b>(3,874)</b>	<b>2,114</b>
<b>ՖԻՆԱՆՍԱԿԱՆ ԳՈՐԾՈՒՆԵՈՒԹՅՈՒՆ</b>		
Վճարված շահաբաժիններ	(51,300)	(25,650)
<b>Դրամական միջոցների հոսքեր օգտագործված ֆինանսական գործունեությունում</b>	<b>(51,300)</b>	<b>(25,650)</b>
<b>Դրամական միջոցների և դրանց համարժեքների գուտ աճ</b>		
Դրամական միջոցները և դրանց համարժեքները տարեսկզբի դրությամբ	40,142	927
Փոխանակման փոխարժեքի փոփոխության ազդեցությունը դրամական միջոցների և դրանց համարժեքների վրա	27,397	27,470
Դրամական միջոցները և դրանց համարժեքները տարեվերջի դրությամբ	(56)	-
15	<b>67,483</b>	<b>27,397</b>

Համախմբված դրամական հոսքերի մասին հաշվետվությունը պետք է ընթերցվի 6-ից 20-րդ էջերում ներկայացված համախմբված ֆինանսական հաշվետվությունների բաղկացուցիչ մաս կազմող ծանոթագրությունների հետ մեկտեղ

## **1. Ընդհանուր տեղեկատվություն**

«Փի-Էյջ-Փի Փարթնրոգ» ՓԲԸ-ն (այսուհետ՝ Ընկերություն) Հայաստանի Հանրապետությունում գրանցված փակ բաժնետիրական ընկերություն է:

Ընկերությունը գրանցվել է 2005 թվականի հոկտեմբերի 19-ին և մատուցում է հաշվապահական, հարկային և ֆինանսական խորհրդատվական ծառայություններ: 2019 թվականի փետրվարի 21-ին Ընկերությունը ստացել է թիվ ԱԾ 102 աուդիտորական գործունեություն իրականացնելու լիցենզիա և սկսել է մատուցել է նաև աուդիտորական ծառայություններ:

Ընկերությունը «Հայաստանի աուդիտորների և փորձագետ հաշվապահների պալատ» հասարակական կազմակերպության (այսուհետ՝ Պալատ) անդամ է դարձել Պալատի խորհրդի 2020թ դեկտեմբերի 18-ի թիվ 11-Ա որոշման հիման վրա և 2020թ դեկտեմբերի 21-ին գրանցվել է Պալատի ռեեստրում: Ընկերության հիմնական գրանցման գրառման համարն է (ՀԳԳՀ) 1.20.02.02

Ընկերությունը 2019թ մարտից Համաշխարհային Բանկի կողմից ֆինանսավորվող ծրագրերը և դրամաշնորհները աուդիտի ենթարկելու իրավասություն է ստացել:

Ընկերության իրավաբանական հասցեն է՝ ՀՀ, ք. Երևան, Ալեք Մանուկյան 15ա:

Հաշվետվության ներկայացման ամսաթվի դրությամբ Ընկերության մասնակիցներն են.

- Հովհաննես Պետրոսյան, որակավորված աուդիտոր՝ 55.05% մասնակցություն
- Վիգեն Եղոյան, որակավորված աուդիտոր՝ 29.95% մասնակցություն
- Դավիթ Անանյան, որակավորված աուդիտոր՝ 15.00% մասնակցություն

2009 թվականին Ընկերությունը հիմնադրել է դուստրի կազմակերպություն՝ «Փի-Էյջ-Փի Աուդիտ» ՓԲԸ-ն (այսուհետ՝ դուստր ընկերություն): Դուստր ընկերության հիմնական գործունեությունն էր աուդիտի և հարակից ծառայությունների մատուցումը: 2019 թվականի փետրվարի 1-ից դուստր ընկերության աուդիտորական գործունեության լիցենզիան կասեցվել է, գործունեությունը անորոշ ժամկետով դադարեցվել է 2019 թվականի մայիսի 1-ից և դուստր ընկերության գործառնությունները ամբողջությամբ ինտեգրվել են Ընկերության գործառնությունների կազմում:

Հաշվետվության ներկայացման ամսաթվի դրությամբ դուստրի ընկերության մասնակիցներն են.

- «Փի-Էյջ-Փի Փարթնրոգ» ՓԲԸ՝ 50% մասնակցություն
- Դավիթ Եղիզարյան, որակավորված աուդիտոր՝ 50% մասնակցություն

«Փի-Էյջ-Փի Փարթնրոգ» ՓԲԸ-ն վերահսկում է «Փի-Էյջ-Փի Աուդիտ» ՓԲԸ-ին:

Վերահսկողությունը պայմանավորված է նրանով, որ

- «Փի-Էյջ-Փի Փարթնրոգ» ՓԲԸ-ին է պատկանում Ընկերության բաժնետոմսերի 50 տոկոսը,
- Ձևավորված փորձի հիման վրա «Փի-Էյջ-Փի Փարթնրոգ» ՓԲԸ-ն իրավունք ունի նշանակել տնօրենին և խորհրդի անդամներին:

Խմբի վերջնական վերահսկող կողմ է հանդիսանում պարոն Հովհաննես Պետրոսյանը:

## **2. Պատրաստման հիմունքները**

### **(ա) Համապատասխանության մասին հայտարարություն**

Սույն համախմբված ֆինանսական հաշվետվությունները պատրաստվել են Հաշվապահական հաշվառման միջազգային ստանդարտների խորհրդի կողմից հրապարակված փոքր և միջին

կազմակերպությունների ֆինանսական հաշվետվությունների միջազգային ստանդարտի (ՓՄԿ-ների ՖՀՄՍ) համաձայն:

**(բ) Անընդհատության հիմունք**

Խմբի համախմբված ֆինանսական հաշվետվությունները պատրաստվել են անընդհատության հիմունքի հիման վրա, ինչը ենթադրում է, որ Խմբի ակտիվները կիրացվեն և պարտավորությունները կմարվեն Խմբի բնականոն գործունեության ընթացքում՝ առանց որևէ մտադրության Խմբի գործունեությունը տեսանելի ապագայում դադարեցնելու կամ Խումբը լուծարելու: Այնուամենայնիվ, դուստր ընկերությունը անորոշ ժամկետով դադարեցրել է իր գործունեությունը և ղեկավարության գնահատմամբ դուստր ընկերության անընդհատ գործելու կարողությունը տեսանելի ապագայում կասկածի տակ է: Դուստր ընկերության անընդհատ գործելու կարողության խաթարումը ազդեցություն չունի Ընկերության և Խմբի անընդհատ գործելու կարողության վրա:

**(գ) Չափման հիմունքները**

Համախմբված ֆինանսական հաշվետվությունները պատրաստվել են սկզբնական արժեքի հիմունքով: Բացառություն են կազմում իրական արժեքով չափվող ներդրումները:

**(դ) Չափման և ներկայացման արժույթ**

Խմբի ֆունկցիոնալ արժույթը և համախմբված ֆինանսական հաշվետվությունների ներկայացման արժույթը Հայաստանի Հանրապետության ազգային արժույթ ՀՀ դրամն է (դրամ): Ֆինանսական տեղեկատվությունը ներկայացված է դրամով՝ հազարների ճշտությամբ:

**(ե) Գնահատումների և դատողությունների օգտագործում**

Այս համախմբված ֆինանսական հաշվետվությունները ՓՄԿ-ների ՖՀՄՍ-ի համաձայն պատրաստելու համար ղեկավարությունը կատարել է ակտիվների և պարտավորությունների ներկայացմանը, ինչպես նաև ակտիվների բացահայտմանը վերաբերող մի շարք գնահատումներ, ենթադրություններ և դատողություններ: Փաստացի արդյունքները կարող են տարբերվել այդ գնահատումներից:

Գնահատումները և դրանց համար հիմք հանդիսացող ենթադրությունները կանոնավոր կերպով վերանայվում են:

Հաշվապահական հաշվառման գնահատումների փոփոխությունները ճանաչվում են առաջընթաց՝ արտացոլվելով շահույթի կամ վնասի մեջ

ա) փոփոխման ժամանակաշրջանում, եթե փոփոխությունը ազդում է միայն տվյալ ժամանակաշրջանի վրա,

բ) փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է:

Համախմբված ֆինանսական հաշվետվություններում ճանաչված գումարների վրա առավելագույն էական ազդեցություն ունեցող հաշվապահական հաշվառման քաղաքականության կիրառման ժամանակ դատողությունների վերաբերյալ տեղեկատվությունը՝ օգտակար ծառայության ժամկետների գնահատումները ներկայացված են հիմնական միջոցների համար 3 (ա), իսկ ոչ նյութական ակտիվների համար՝ 3 (բ) ծանոթագրություններում:

Համախմբված ֆինանսական հաշվետվություններում ճանաչված գումարների վրա առավելագույն էական ազդեցություն ունեցող հաշվապահական հաշվառման քաղաքականության կիրառման ժամանակ գնահատման հետ կապված զգալի անորոշությունների վերաբերյալ տեղեկատվությունը ներկայացված է հետևյալ ծանոթագրություններում

- Ծանոթագրություն 4 - Հասույթ, ավարտվածության աստիճանի գնահատում.
- Ծանոթագրություն 9 – Հիմնական միջոցներ, օգտակար ծառայության ժամկետների գնահատում.
- Ծանոթագրություն 10 – Ոչ նյութական ակտիվներ, օգտակար ծառայության ժամկետների գնահատում.
- Ծանոթագրություն 13 – Իրական արժեքով չափվող ներդրումներ, իրական արժեքի գնահատում:

### **3. Հաշվապահական հաշվառման նշանակալի քաղաքականություն**

Համախմբված ֆինանսական հաշվետվությունները պատրաստելիս կիրառվել է ծանոթագրություն 3(ա)-ից 3(ժգ) կետերում ներկայացված հաշվապահական հաշվառման նշանակալի քաղաքականությունը: Հաշվապահական հաշվառման այս քաղաքականությունը կիրառվել է հետևողականորեն:

#### **(ա) Հիմնական միջոցներ**

##### ***(i) Ծանաչում և չափում***

Հիմնական միջոցների հոդվածները չափվում են սկզբնական արժեքով՝ հանած կուտակված մաշվածությունը և արժեզրկումից կորուստը:

Սկզբնական արժեքը ներառում է ակտիվի ձեռքբերմանն ուղակիորեն վերագրելի ծախսումները:

Երբ հիմնական միջոցը բաղկացած է օգտակար ծառայության տարբեր ժամկետ ունեցող բաղկացուցիչներից, այդ բաղկացուցիչները հաշվառվում են որպես հիմնական միջոցների առանձին հոդվածներ (նշանակալի բաղադրիչ):

Հիմնական միջոցի միավորի օտարումից ստացված օգուտը և վնասը ճանաչվում են այլ եկամուտների/այլ ծախսերի կազմում ֆինանսական արդյունքների և չբաշխված շահույթների մասին հաշվետվությունում:

##### ***(ii) Հետագա ծախսումներ***

Հիմնական միջոցների հոդվածի բաղկացուցիչ փոխարինման ծախսումները ճանաչվում են հոդվածի հաշվեկշռային արժեքում, երբ հավանական է, որ այդ միավորի հետ կապված ապագա տնտեսական օգուտները կհոսեն դեպի Խումբ և վերջինիս արժեքը հնարավոր կլինի արժանահավատորեն չափել: Փոխարինվող բաղկացուցիչի հաշվեկշռային արժեքն ապաճանաչվում է: Հիմնական միջոցների ամենօրյա սպասարկման ծախսումները ճանաչվում են ֆինանսական արդյունքների և չբաշխված շահույթների մասին հաշվետվությունում՝ կատարելուն պես:

##### ***(iii) Մաշվածություն***

Մաշվածությունը ճանաչվում է ֆինանսական արդյունքների և չբաշխված շահույթների մասին հաշվետվությունում՝ կիրառելով գծային մեթոդը հիմնական միջոցների օգտակար ծառայության գնահատված ժամկետի ընթացքում, բացառությամբ այն դեպքերի, երբ մաշվածության ծախսումները ներառվում են այլ ակտիվի հաշվեկշռային արժեքում: Մաշվածության հաշվարկը սկսվում է, երբ հիմնական միջոցը մատչելի է օգտագործման համար: Օգտակար ծառայության գնահատված ժամկետներն ընթացիկ և համեմատական ժամանակաշրջանների համար հետևյալն են.



	<b>2021թ</b>	<b>2020թ</b>
Սարքավորումներ	5 տարի	5 տարի
Համակարգչային տեխնիկա	3 տարի	3 տարի
Տնտեսական գույք	1-10 տարի	1-10 տարի

Հիմնական միջոցների մաշվածության հաշվարկի մեթոդները, օգտակար ծառայության ժամկետները և մնացորդային արժեքները վերանայվում են յուրաքանչյուր ֆինանսական տարվա վերջում և անհրաժեշտության դեպքում՝ ճշգրտվում:

**(բ) Ոչ նյութական ակտիվներ**

*(i) Ծանաչում և չափում*

Խմբի կողմից ձեռքբերված ոչ նյութական ակտիվները չափվում են սկզբնական արժեքով՝ հանած կուտակված ամորտիզացիան և արժեզրկումից կուտակված կորուստները:

*(ii) Ամորտիզացիա*

Ամորտիզացիան ճանաչվում է ֆինանսական արդյունքների և չբաշխված շահույթների մասին հաշվետվությունում՝ կիրառելով գծային մեթոդը ոչ նյութական ակտիվների օգտակար ծառայության ժամկետի ընթացքում: Օգտակար ծառայության գնահատված ժամկետներն ընթացիկ և համեմատական ժամանակաշրջանների համար հետևյալն են.

	<b>2021թ</b>	<b>2020թ</b>
Լիցենզիաներ	1 տարի	1 տարի
Համակարգչային ծրագիր օգտ. իրավունք	10 տարի	10 տարի
Դոմեյն	5 տարի	5 տարի

**(գ) Վարձակալված ակտիվներ**

Այն վարձակալությունը, որի դեպքում Խմբին են փոխանցվում սեփականության հետ կապված գրեթե բոլոր ռիսկերն ու օգուտները, հանդիսանում է ֆինանսական վարձակալություն: Սկզբնական ճանաչման պահին ֆինանսական վարձակալությամբ ձեռքբերված ակտիվները չափվում են իրական արժեքից և նվազագույն վարձակալական վճարների ներկա արժեքից նվազագույնով: Սկզբնական ճանաչումից հետո ակտիվը հաշվառվում է տվյալ ակտիվի հանդեպ կիրառելի հաշվապահական հաշվառման քաղաքականության համաձայն:

Ֆինանսական վարձակալություն չհանդիսացող վարձակալությունը գործառնական վարձակալություն է:

Գործառնական վարձակալության դեպքում վարձակալված ակտիվները չեն ճանաչվում Խմբի համախմբված ֆինանսական վիճակի մասին հաշվետվությունում:

Խումբը չեղյալ չհամարվող գործառնական վարձակալություններ չունի:

**(դ) Պաշարներ**

Ծառայությունների գծով պաշարները ներառում են ծառայության ծախսումները, որոնց գծով կազմակերպությունը դեռևս չի ճանաչել համապատասխան հասույթը, ինչպես նաև նյութերը, որոնք պահվում են ծառայությունների մատուցման ընթացքում օգտագործելու համար:

Խումբը պաշարները չափում է ինքնարժեքով: Ծառայությունների ինքնարժեքը հաշվարկվում է փաստացի կատարված արտադրական ծախսումների հանրագումարով (փաստացի ինքնարժեք):

Փոխադարձ փոխարկելի հանդիսացող պաշարների ինքնարժեքը որոշվում է «Առաջինը մուտք՝ առաջինը ելք» (ՖԻՖՈ) բանաձևով:

Խումբը յուրաքանչյուր հաշվետու ամսաթվի դրությամբ գնահատում է՝ արդյոք պաշարներն արժեզրկված են, թե՛ ոչ: Եթե պաշարների որևէ հոդված (կամ համանման հոդվածների խումբ) արժեզրկված է, Խումբը նվազեցնում է պաշարի (կամ խմբի) հաշվեկշռային արժեքը՝ այն հասցնելով դրա վաճառքի գնին՝ հանած համարման և վաճառքի ծախսումները: Այդ նվազումը արժեզրկումից կորուստն է և անմիջապես ճանաչվում է շահույթում կամ վնասում:

Վաճառված կամ այլ ձևով հատուցման դիմաց օտարված պաշարների հաշվեկշռային արժեքը ճանաչվում է որպես ծախս այն ժամանակաշրջանում, երբ ճանաչվում է դրանց հետ կապված հատույթը:

Պաշարների բոլոր կորուստները ճանաչվում են որպես ծախս այն ժամանակաշրջանում, երբ առաջացել է կորուստը:

### **(ե) Պահուստներ**

Պահուստը անորոշ ժամկետով կամ գումարով պարտավորություն է:

Պահուստը ճանաչվում է, երբ որպես անցյալ դեպքերի արդյունք Խումբն ունի իրավական կամ կառուցողական ներկա պարտականություն, որը կարող է արժանահավատորեն գնահատվել, և հավանական է, որ այդ պարտականությունը մարելու նպատակով կպահանջվի տնտեսական օգուտների արտահոսք: Պահուստները որոշվում են գեղջելով ակնկալվող ապագա դրամական միջոցների հոսքերը՝ օգտագործելով գեղջման մինչև հարկումը կիրառելի այն դրույքը, որն արտացոլում է ժամանակի մեջ դրամի արժեքի ներկա շուկայական գնահատականը և պարտավորությանը բնորոշ ռիսկերը:

### **(զ) Արտարժույթով գործառնություններ**

Խումբն արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը՝ Հայաստանի Հանրապետության կենտրոնական բանկի կողմից հրապարակված արտարժույթային շուկաներում արտարժույթի նկատմամբ հայկական դրամի միջին փոխարժեքը: Գործառնության ամսաթիվ է համարվում այն ամսաթիվը, երբ գործառնությունն առաջին անգամ որակվում է որպես ճանաչման ենթակա՝ ՓՄԿ-ների ՖՀՄՄ-ի համաձայն:

Յուրաքանչյուր հաշվետու ժամանակաշրջանի վերջի դրությամբ Խումբը՝

- ա) վերահաշվարկում է արտարժույթով դրամային հոդվածները կիրառելով փակման փոխարժեքը.
- բ) ներկայացնում է սկզբնական արժեքով չափվող արտարժույթով ոչ դրամային հոդվածները գործառնության ամսաթվի փոխանակման փոխարժեքով:

Խումբը փոխարժեքային տարբերությունները, որոնք առաջանում են դրամային հոդվածների մարման արդյունքում, կամ երբ դրամային հոդվածները վերահաշվարկվում են մի փոխարժեքով, որը տարբերվում է տվյալ ժամանակաշրջանում դրանց սկզբնապես ճանաչման կամ նախորդ համախմբված ֆինանսական հաշվետվություններում վերահաշվարկման փոխարժեքից, ճանաչում է շահույթում կամ վնասում այն ժամանակաշրջանում, որում դրանք առաջացել են:

### **(է) Փոխառություններ և դեբիտորական պարտքեր**

Խումբը փոխառությունը և դեբիտորական պարտքը իր ֆինանսական վիճակի մասին հաշվետվությունում ճանաչում է միայն այն դեպքում, երբ դառնում է ֆինանսական գործարքի պայմանագրային կողմ և որպես հետևանք, ունենում է դրամական միջոցներ ստանալու իրավաբանորեն ամրագրված իրավունք:

Սկզբնական ճանաչման պահին Խումբը փոխառությունը և դեբիտորական պատքը չափում է տվյալ փոխառության կամ դեբիտորական պարտքի իրական արժեքով, գումարած գործարքի հետ կապված այն ծախսումները, որոնք ուղղակիորեն վերագրելի են տվյալ փոխառության կամ դեբիտորական պարտքի տրամադրմանը կամ առաջացմանը:

Անտոկոս կամ ցածր տոկոսով փոխառության և դեբիտորական պարտքի իրական արժեքը որոշվում է այդ փոխառության և դեբիտորական պարտքի գծով ապագայում ստացվելիք դրամական միջոցների՝ շուկայական տոկոսադրույքով զեղչված արժեքով:

Կարճաժամկետ անտոկոս դեբիտորական պարտքի իրական արժեքը համապատասխան հաշիվ-ապրանքագրի (կամ նմանատիպ այլ փաստաթղթի) համաձայն ստացման ենթակա միջոցների չզեղչված գումարն է:

Կարճաժամկետ անտոկոս փոխառության իրական արժեքը փոխառության անվանական արժեքն է: Նման դեպքում ստացման ենթակա դրամական միջոցների զեղչում չի իրականացվում:

Անտոկոս փոխառության իրական արժեքը, որի մարումը Խումբը կարող է ցանկացած պահի պահանջել, հանդիսանում է փոխառության անվանական արժեքը: Նման դեպքում ստացման ենթակա դրամական միջոցների զեղչում չի իրականացվում:

Սկզբնական ճանաչումից հետո Խումբը փոխառությունները և դեբիտորական պարտքերը չափում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Կարճաժամկետ անտոկոս դեբիտորական պարտքերը և փոխառությունները սկզբնական ճանաչումից հետո չափվում են այն արժեքով, որով նրանք չափվել էին սկզբնական ճանաչման պահին:

Եթե գոյություն ունի անկողմնակալ վկայություն, որ փոխառությունների և դեբիտորական պարտքերի գծով առկա է արժեզրկումից կորուստ, ապա կորուստի գումարը չափվում է որպես ակտիվի հաշվեկշռային արժեքի և գնահատված ապագա դրամական միջոցների հոսքերի ներկա արժեքի միջև տարբերություն: Կորստի գումարը ճանաչվում է շահույթում կամ վնասում:

**(ը) Կրեդիտորական պարտքեր և ստացված փոխառություններ**

Խումբը կրեդիտորական պարտքը և ստացված փոխառությունը իր ֆինանսական վիճակի մասին հաշվետվությունում ճանաչում է միայն այն դեպքում, երբ դառնում է ֆինանսական գործարքի պայմանագրային կողմ և որպես հետևանք, ունենում է դրամական միջոցներ վճարելու իրավական պարտավորություն:

Սկզբնական ճանաչման պահին Խումբը կրեդիտորական պարտքը և ստացված փոխառությունը չափում է տվյալ կրեդիտորական պարտքի կամ ստացված փոխառության իրական արժեքով, գումարած գործարքի հետ կապված այն ծախսումները, որոնք ուղղակիորեն վերագրելի են տվյալ կրեդիտորական պարտքի կամ փոխառության առաջացմանը կամ ստացմանը:

Անտոկոս կամ ցածր տոկոսով կրեդիտորական պարտքի և ստացված փոխառության իրական արժեքը որոշվում է այդ կրեդիտորական պարտքի և ստացված փոխառության գծով ապագայում վճարվելիք դրամական միջոցների՝ շուկայական տոկոսադրույքով զեղչված արժեքով:

Կարճաժամկետ անտոկոս կրեդիտորական պարտքի իրական արժեքը համապատասխան հաշիվ-ապրանքագրի (կամ նմանատիպ այլ փաստաթղթի) համաձայն ստացման ենթակա դրամական միջոցների չզեղչված գումարն է:

Կարճաժամկետ անտոկոս ստացված փոխառության իրական արժեքը փոխառության անվանական արժեքն է: Նման դեպքում վճարման ենթակա դրամական միջոցների զեղչում չի իրականացվում:

Անտոկոս ստացված փոխառության իրական արժեքը, որի մարումը Խմբից ցանկացած պահի կարող է պահանջվել, հանդիսանում է փոխառության անվանական արժեքը: Նման դեպքում վճարման ենթակա դրամական միջոցների գեղջում չի իրականացվում:

Սկզբնական ճանաչումից հետո Խումբը կրեդիտորական պարտքերը և ստացված փոխառությունները չափում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Կարճաժամկետ անտոկոս կրեդիտորական պարտքերը և ստացված փոխառությունները սկզբնական ճանաչումից հետո չափվում են այն արժեքով, որով նրանք չափվել էին սկզբնական ճանաչման պահին:

### **(թ) Սխալներ**

Որքանով իրագործելի է, Խումբը որևէ նախորդ ժամանակաշրջանի էական սխալները ուղղում է հետընթաց՝ դրանց հայտնաբերումից հետո հրապարակման համար հաստատված առաջին համախմբված ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդ ժամանակաշրջանի (ժամանակաշրջանների) համեմատելի գումարները, որում տեղի է ունեցել համապատասխան սխալը, կամ

բ) եթե սխալը տեղի է ունեցել մինչև ներկայացված ամենավաղ ժամանակաշրջանը՝ ապա վերահաշվարկելով ակտիվների, պարտավորությունների և սեփական կապիտալի սկզբնական մնացորդները ներկայացված նախորդ ամենավաղ ժամանակաշրջանի համար:

### **(ժ) Հասույթ**

Հասույթը ժամանակաշրջանի ընթացքում Խմբի սովորական գործունեությունից առաջացող տնտեսական օգուտների համախառն ներհոսքն է, որը հանգեցնում է սեփական կապիտալի աճի:

Խումբը հասույթը չափում է ստացված կամ ստացվելիք հատուցման իրական արժեքով:

Խմբի հասույթը ձևավորվում է աուդիտորական և խորհրդատվական ծառայությունների մատուցումից:

Երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է հաշվետու ամսաթվի դրությամբ գործարքի ավարտվածության աստիճանի հիման վրա: Գործարքի արդյունքը կարելի է արժանահավատորեն գնահատել, եթե բավարարվում են հետևյալ բոլոր պայմանները՝

- Հնարավոր է արժանահավատորեն չափել հասույթի գումարը,
- Հավանական է, որ գործարքի հետ կապված տնտեսական օգուտները կհոսեն Խումբ,
- Հնարավոր է արժանահավատորեն որոշել հաշվետու ամսաթվի դրությամբ գործարքի ավարտման աստիճանը, և
- Հնարավոր է արժանահավատորեն որոշել գործարքի կատարման ժամանակ արված և գործարքն ավարտելու համար անհրաժեշտ ծախսումները:

Գործարքի ավարտվածության աստիճանը որոշվում է ներքոթվարկյալ մեթոդներից որևէ մեկով (կիրառվում է տվյալ դեպքի համար առավել տեղին մեթոդը)՝

- Կատարված աշխատանքների ուսումնասիրություն,
- Տվյալ ամսաթվի դրությամբ մատուցված ծառայությունների ծավալի և մատուցվելիք ծառայությունների ամբողջ ծավալի հարաբերություն:

Երբ ծառայությունների մատուցման գործարքի արդյունքը հնարավոր չէ արժանահավատորեն գնահատել, հասույթը ճանաչվում է միայն ճանաչված այն ծախսումների չափով, որոնք հավանական է, որ կփոխհատուցվեն:

### **(ժա) Վաճառքի ինքնարժեք**

Ծառայությունների մատուցման ծախսումները ներառում են՝

- այն ծախսումները, որոնք ուղակիորեն վերաբերում են կոնկրետ մատուցված ծառայությանը,
- այն ծախսումները, որոնք վերագրվում են ընդհանուր ծառայությունների մատուցմանը և կարող են վերագրվել տվյալ ծառայությանը,
- այն ծախսումները, որոնք, ծառայության պայմանագրի պայմանների համաձայն, հատուկ գանձվում են պատվիրատուից:

Կոնկրետ մատուցված ծառայությանն ուղղակիորեն վերաբերող ծախսումներն են ծառայության մատուցման աշխատանքներում ընդգրկված աշխատակիցներին հատուցումները, օգտագործվող հիմնական միջոցների մաշվածությունը, այլ կազմակերպություններից ստացված խորհրդատվական ծառայությունները:

Այն ծախսումները, որոնք վերագրվում են ընդհանուր պայմանագրի գործունեությանը և կարող են վերագրվել կոնկրետ պայմանագրին, ընդգրկում են վարձակալական վճարները:

Ծախսումները, որոնք չեն կարող վերագրվել պայմանագրի գործունեությանը կամ չեն կարող վերագրվել պայմանագրին, չեն ներառվում ծառայությունների մատուցման ծախսումների մեջ:

### **(ժբ) Ֆինանսական եկամուտ և ծախսեր**

Ֆինանսական եկամուտը ներառում է ներդրումներից ստացվելիք տոկոսային եկամուտը և փոխարժեքային տարբերություններից ստացված օգուտը: Տոկոսային եկամուտը շահույթում կամ վնասում ճանաչվում է՝ կիրառելով արդյունավետ տոկոսադրույքի մեթոդը:

Ֆինանսական ծախսերը ներառում են վարկերի և փոխառությունների գծով տոկոսային ծախսերը, պահուստների գծով գեղջի վերականգնումը, փոխարժեքային տարբերություններից առաջացած վնասը և ֆինանսական ակտիվների գծով ճանաչված արժեզրկումից կորուստները: Վարկերի և փոխառությունների գծով բոլոր ծախսերը ճանաչվում են շահույթ կամ վնասում՝ կիրառելով արդյունավետ տոկոսադրույքի մեթոդը:

Փոխարժեքային տարբերություններից առաջացած օգուտներն ու վնասները ներկայացվում են զուտ հիմունքով:

### **(ժգ) Շահութահարկի գծով ծախս**

Շահութահարկի գծով ծախսը բաղկացած է ընթացիկ և հետաձգված հարկերից:

Ընթացիկ շահութահարկը (հարկը) ընթացիկ ժամանակաշրջանի կամ նախորդ ժամանակաշրջանների հարկվող շահույթի գծով վճարման ենթակա հարկ է:

Հետաձգված շահութահարկը (հարկը) ապագա ժամանակաշրջաններում վճարման կամ փոխհատուցման ենթակա հարկ է, որը սովորաբար Խմբի կողմից իր ակտիվներն ու պարտավորությունները ընթացիկ հաշվեկշռային արժեքով փոխհատուցելու կամ մարելու արդյունք է, ինչպես նաև տվյալ պահին չօգտագործված հարկային վնասները հաջորդ ժամանակաշրջաններ տեղափոխելու հարկային հետևանք:

Խումբը ընթացիկ և նախորդ ժամանակաշրջանների հարկվող շահույթից վճարվելիք հարկի գծով ճանաչում է ընթացիկ հարկային պարտավորություն: Եթե ընթացիկ և նախորդ ժամանակաշրջանների համար վճարված գումարը գերազանցում է այդ ժամանակաշրջանների համար վճարվելիք գումարը, Խումբն այդ գերազանցող մասը ճանաչում է որպես ընթացիկ հարկային ակտիվ:

Խումբն ընթացիկ և նախորդ ժամանակաշրջանների համար ընթացիկ հարկային պարտավորությունը (ակտիվը) չափում է այն գումարով, որն ակնկալվում է, որ կվճարվի հարկային մարմիններին (կփոխհատուցվի հարկային մարմինների կողմից)՝ կիրառելով հարկերի դրույքները և հարկային հարաբերություններ կարգավորող նորմատիվ իրավական ակտերը, որոնք ուժի մեջ են եղել կամ ըստ էության ուժի մեջ են եղել մինչև հաշվետու ամսաթիվը:

Խումբն ընթացիկ հարկային պարտավորության կամ ընթացիկ հարկային ակտիվի փոփոխությունները ճանաչում է շահույթում կամ վնասում՝ որպես հարկի գծով ծախս:

Խումբն ապագա ժամանակաշրջաններում՝ որպես անցյալ գործարքների կամ դեպքերի արդյունք, փոխհատուցվելիք կամ վճարվելիք հարկի համար ճանաչում է հետաձգված հարկային ակտիվ կամ հետաձգված հարկային պարտավորություն:

Խումբը հետաձգված հարկային պարտավորության կամ հետաձգված հարկային ակտիվի փոփոխությունները ճանաչում է շահույթում կամ վնասում՝ որպես հարկի գծով ծախս:

Խումբը ճանաչում է հետաձգված հարկային ակտիվների հետ կապված գնահատման պահուստ այնպես, որ գուտ հաշվեկշռային արժեքը հավասար լինի այն ամենաբարձր գումարին, որը ավելի շատ հավանական է, քան՝ ոչ, որ կփոխհատուցվի ընթացիկ կամ ապագա հարկվող շահույթի հիման վրա:

#### 4. Հասույթ

	<b>2021թ.</b> <b>հազ. Գրամ</b>	<b>2020թ.</b> <b>հազ. դրամ</b>
Խորհրդատվություն	201,239	174,256
Հաշվապահական հաշվառման վարում	171,000	87,060
Աուդիտ և աուդիտորական դիտարկում	11,598	5,955
Գույքագրում	12,500	2,000
Համաձայնեցված ընթացակարգեր	8,435	4,499
	<b>404,772</b>	<b>273,770</b>

Մատուցված ծառայությունների գծով գումարները ճանաչվում են որպես հասույթ ծրագրի ավարտվածության աստիճանի հիման վրա՝ համաձայն 3(ժ) ծանոթագրությունում նկարագրված մեթոդի:

Ծառայությունների գծով հաշվեգրված հասույթը հաշվարկվում է հաշվետու ամսաթվի դրությամբ մատուցված ծառայությունների ծավալի և մատուցվելիք ծառայությունների ամբողջ ծավալի հարաբերակցության հիման վրա:

## 5. Վաճառքի ինքնարժեք

	2021թ. հազ. Դրամ	2020թ. հազ. դրամ
Աշխատակիցներին հատուցումներ	272,267	209,020
Վարձակալական վճարներ	15,068	13,621
Հիմնական միջոցների նորոգում և սպասարկում	2,538	2,466
Մաշվածություն և ամորտիզացիա	2,990	2,518
Նյութեր	1,734	1,650
Գործուղում	1,354	1,128
Այլ	1,610	-
	<b>297,561</b>	<b>230,403</b>

2021թ դեկտեմբերի 31-ի դրությամբ աշխատակիցների թիվը կազմում էր 46 (2020թ-ին՝ 44):

## 6. Վարչական ծախսեր

	2021թ. հազ. Դրամ	2020թ. հազ. դրամ
Միջոցառումներ և հարակից ծախսեր	2,408	-
Տնտեսական և գրասենյակային ծախսեր	1,481	1,299
Մաշվածություն և ամորտիզացիա	598	972
Հիմնական միջոցների նորոգում և սպասարկում	467	433
Զվոճահատուցվող հարկեր	95	40
Կարողների վերապատրաստում	100	37
Այլ	292	208
	<b>5,441</b>	<b>2,989</b>

## 7. Շահութահարկի գծով ծախս

	2021թ. հազ. Դրամ	2020թ. հազ. դրամ
Ընթացիկ հարկի գծով ծախս	18,700	8,050
Հետաձգված հարկի գծով փոխհատուցում	(436)	(828)
	<b>18,264</b>	<b>7,222</b>

Ընթացիկ հարկի կիրառելի հարկային դրույքը 18% է:

## 8. Շահաբաժիններ

	2021թ. հազ. Դրամ	2020թ. հազ. դրամ
Նախորդ տարվա կուտակված շահույթի բաշխում	32,000	59,000
Ընթացիկ տարվա շահույթի միջանկյալ բաշխում	10,000	-
Նախորդ տարվա շահույթի միջանկյալ բաշխում նախորդ տարում՝	-	(20,000)
	<b>42,000</b>	<b>39,000</b>

## 9. Հիմնական միջոցներ

հազ. դրամ	Սարքավորումներ	Համակարգչային տեխնիկա	Տնտեսական գույք	Ընդամենը
<b>Սկզբնական արժեք</b>				
Առ 01 հունվարի 2020թ	955	11,047	8,960	20,962
Ավելացումներ	40	6,970	206	7,216
Օտարումներ	-	(6,253)	(369)	(6,622)
<b>Առ 31 դեկտեմբերի 2020թ</b>	<b>995</b>	<b>11,764</b>	<b>8,797</b>	<b>21,556</b>
Առ 01 հունվարի 2021թ	995	11,764	8,797	21,556
Ավելացումներ	-	1,405	1,824	3,229
Օտարումներ	-	-	-	-
<b>Առ 31 դեկտեմբերի 2021թ</b>	<b>995</b>	<b>13,169</b>	<b>10,621</b>	<b>24,785</b>
<b>Մաշվածություն</b>				
Առ 01 հունվարի 2020թ	955	10,300	6,457	17,712
Տարվա ծախս	4	1,763	1,425	3,192
Օտարումներ	-	(6,253)	(369)	(6,622)
<b>Առ 31 դեկտեմբերի 2020թ</b>	<b>959</b>	<b>5,810</b>	<b>7,513</b>	<b>14,282</b>
Առ 01 հունվարի 2021թ	959	5,810	7,513	14,282
Տարվա ծախս	8	2,939	567	3,514
Օտարումներ	-	-	-	-
<b>Առ 31 դեկտեմբերի 2021թ</b>	<b>967</b>	<b>8,749</b>	<b>8,080</b>	<b>17,796</b>
<b>Հաշվեկշռային արժեք</b>				
<b>Առ 01 հունվարի 2020թ</b>	<b>-</b>	<b>747</b>	<b>2,503</b>	<b>3,250</b>
<b>Առ 31 դեկտեմբերի 2020թ</b>	<b>36</b>	<b>5,954</b>	<b>1,284</b>	<b>7,274</b>
<b>Առ 31 դեկտեմբերի 2021թ</b>	<b>28</b>	<b>4,420</b>	<b>2,541</b>	<b>6,989</b>

2,965 հազար դրամ գումարով (2020թ-ին՝ 2,491 հազար դրամ) մաշվածության ծախսը գրանցվել է վանառքի ինքնարժեքում, իսկ 549 հազար դրամ գումարով (2020թ-ին՝ 701 հազար դրամ)՝ վարչական ծախսերում:



### 10. Ոչ նյութական ակտիվներ

հազ. դրամ	Լիցենզիա	Համակարգչի ծրագիր	Դոմեյն	Ընդամենը
<b>Սկզբնական արժեք</b>				
Առ 01 հունվարի 2020թ	250	2,003	175	2,428
Ավելացումներ	250	-	-	250
Օտարումներ	(250)	(70)	-	(320)
<b>Առ 31 դեկտեմբերի 2020թ</b>	<b>250</b>	<b>1,933</b>	<b>175</b>	<b>2,358</b>
Առ 01 հունվարի 2021թ	250	1,933	175	2,358
Ավելացումներ	-	-	-	-
Օտարումներ	(250)	-	-	(250)
<b>Առ 31 դեկտեմբերի 2021թ</b>	<b>-</b>	<b>1,933</b>	<b>175</b>	<b>2,108</b>
<b>Ամորտիզացիա</b>				
Առ 01 հունվարի 2020թ	214	1,901	120	2,235
Տարվա ծախս	250	27	21	298
Օտարումներ	(250)	(70)	-	(320)
<b>Առ 31 դեկտեմբերի 2020թ</b>	<b>214</b>	<b>1,858</b>	<b>141</b>	<b>2,213</b>
Առ 01 հունվարի 2021թ	214	1,858	141	2,213
Տարվա ծախս	36	25	13	74
Օտարումներ	(250)	-	-	(250)
<b>Առ 31 դեկտեմբերի 2021թ</b>	<b>-</b>	<b>1,883</b>	<b>154</b>	<b>2,037</b>
<b>Հաշվեկշռային արժեք</b>				
<b>Առ 01 հունվարի 2020թ</b>	<b>36</b>	<b>102</b>	<b>55</b>	<b>193</b>
<b>Առ 31 դեկտեմբերի 2020թ</b>	<b>36</b>	<b>75</b>	<b>34</b>	<b>145</b>
<b>Առ 31 դեկտեմբերի 2021թ</b>	<b>-</b>	<b>50</b>	<b>21</b>	<b>71</b>

25 հազար դրամ գումարով (2020թ-ին՝ 27 հազար դրամ) ամորտիզացիայի ծախսը գրանցվել է վաճառքի ինքնարժեքում, իսկ 49 հազար դրամ գումարով (2020թ-ին՝ 271 հազար դրամ)՝ վարչական ծախսերում:

### 11. Հետաձգված հարկային ակտիվ/(պարտավորություն)

#### (ա) Ծանաչված հետաձգված հարկային ակտիվներ

Ծանաչված հարկային ակտիվները կազմված են հետևյալ հոդվածներից՝

հազ. դրամ	Ակտիվներ		Պարտավորություններ		Զուտ	
	2021թ	2020թ	2021թ	2020թ	2021թ	2020թ
Հիմնական միջոցներ	-	-	(198)	(135)	(198)	(135)
Ոչ նյութական ակտիվներ	-	-	(4)	(6)	(4)	(6)
Առևտրային և այլ կրեդիտորական պարտքեր	1,708	1,211	-	-	1,708	1,211
<b>Զուտ հարկային ակտիվ/(պարտավորություն)</b>	<b>1,708</b>	<b>1,211</b>	<b>(202)</b>	<b>(141)</b>	<b>1,506</b>	<b>1,070</b>

**(բ) Ժամանակավոր տարբերությունների շարժը տարվա ընթացքում**

հազ. դրամ	<b>1 հունվարի 2021թ</b>	<b>Ճանաչված շահույթ կամ վնասում</b>	<b>31 դեկտեմբերի 2021թ</b>
Հիմնական միջոցներ	(135)	(63)	(198)
Ոչ նյութական ակտիվներ	(6)	2	(4)
Առևտրային և այլ կրեդիտորական պարտքեր	1,211	497	1,708
	<b>1,070</b>	<b>436</b>	<b>1,506</b>

հազ. դրամ	<b>1 հունվարի 2020թ</b>	<b>Ճանաչված շահույթ կամ վնասում</b>	<b>31 դեկտեմբերի 2020թ</b>
Հիմնական միջոցներ	(167)	32	(135)
Ոչ նյութական ակտիվներ	(7)	1	(6)
Առևտրային և այլ կրեդիտորական պարտքեր	415	796	1,211
	<b>241</b>	<b>829</b>	<b>1,070</b>

**12. Պաշարներ**

	<b>2021թ. հազ. դրամ</b>	<b>2020թ. հազ. դրամ</b>
Նյութեր	429	623
Անավարտ ծառայություններ	413	-
	<b>842</b>	<b>623</b>

**13. Իրական արժեքով չափվող ներդրումներ**

2021 թվականի դեկտեմբերի 31-ի դրությամբ Խմբին է պատկանում «Կապիտալ Ասեթ Մենեջմենթ» ներդրումային (ԿԱՄ ՊԱՖ) ֆոնդի C դասի 270.000 հատ փայերը (2020 թվականի դեկտեմբերի 31-ի դրությամբ՝ 270.000 հատ): «Կապիտալ Ասեթ Մենեջմենթ» ներդրումային ֆոնդի ակտիվների 81.836 տոկոսը (2020 թվականի 81.786 տոկոսը) ներդրված են ՀՀ պետական պարտատոմսերում: Փայերի իրական արժեքը որոշվել է ներդրված ակտիվների իրական արժեքի հիման վրա:

**14. Առևտրային և այլ դեբիտորական պարտքեր**

	<b>2021թ. հազ. դրամ</b>	<b>2020թ. հազ. դրամ</b>
Առևտրային դեբիտորական պարտքեր	29,764	37,753
Դեբիտորական պարտքեր պետ. բյուջեի գծով	36	36
Այլ	161	31
	<b>29,961</b>	<b>37,820</b>

### 15. Դրամական միջոցներ և դրանց համարժեքներ

	2021թ. հազ. դրամ	2020թ. հազ. դրամ
Ընթացիկ հաշիվներ բանկում ՀՀ դրամով	66,681	27,184
Ընթացիկ հաշիվներ բանկում ԱՄՆ դոլարով	589	-
Դրամական միջոցներ միասնական հաշվում	213	213
	<b>67,483</b>	<b>27,397</b>

Դրամական միջոցների կազմում ներառված են ՀՀ հարկային օրենսգրքով նախատեսված միասնական հաշվում առկա մնացորդը: Այս հաշվում առկա դրամական միջոցների նկատմամբ առկա է սահմանափակում համաձայն ՀՀ հարկային օրենսգրքի 327 հոդվածի և առկա գումարները կարող են օգտագործվել առաջացող հարկային պարտավորությունները մարելու նպատակով կամ կարող են վերադարձվել կազմակերպության գանձապետական հաշվին՝ համապատասխան դիմումը նեկայացնելուց հետո 20 օրվա ընթացքում:

### 16. Կանոնադրական կապիտալ

2021 և 2020 թվականների դեկտեմբերի 31-ի դրությամբ 2,000 հազար դրամ մնացորդը ներառում է 1 հազար դրամ անվանական արժեքով 2,000 հատ հասարակ (սովորական) բաժնետոմսեր:

Բոլոր 2,000 հատ բաժնետոմսերը տեղաբաշխված են բաժնետերերի միջև և լրիվ վճարված նրանց կողմից:

### 17. Առևտրային և այլ կրեդիտորական պարտքեր

	2021թ. հազ. դրամ	2020թ. հազ. դրամ
Կրեդիտորական պարտքեր պետ. բյուջեին	29,004	18,266
Կրեդիտորական պարտքեր արձակուրդային գումարների փոխհատուցման գծով	9,489	6,727
Կրեդիտորական պարտքեր գնումների գծով	19	126
Կրեդիտորական պարտքեր մասնակիցներին	-	12,000
	<b>38,512</b>	<b>37,119</b>

### 18. Պայմանական դեպքեր և պարտավորվածություններ

#### (ա) Դատական վեճեր

Հաշվետու ամսաթվի դրությամբ Խումբը ներգրավված չէ դատական գործերում և հայցերում:

#### (բ) Հարկային օրենսդրության հակասություններ և երկիմաստություններ

Հայաստանի Հանրապետության հարկային համակարգը բնորոշվում է օրենսդրության, պաշտոնական հայտարարությունների հաճախակի փոփոխություններով, որոնք հաճախ հստակ չեն, հակասական են և տարբեր մեկնաբանությունների առարկա են:

Ղեկավարությունը գտնում է, որ համապատասխանորեն է գնահատել հարկային պարտավորությունները:

### 19. Հաշվետու ժամանակաշրջանից հետո տեղի ունեցող դեպքեր

Հաշվետու տարվանից հետո մինչև հաշվետվությունների հաստատման ամսաթիվը ճշգրտող դեպքեր տեղի չեն ունեցել:

**20. Կապակցված կողմի գործարքներ**

**(ա) Վերահսկողություն**

Խմբի վերջնական վերահսկող կողմ է հանդիսանում «Փի-Էյջ-Փի Փարթնրզ» ՓԲԸ-ի բաժնետեր պարոն Հովհաննես Պերտրոսյանը:

**(բ) Գործարքներ ղեկավարության և ընտանիքի մտերիմ անդամների հետ**

**(i) Ղեկավարության վարձատրություն**

Ստորև ներկայացված է ղեկավար անձնակազմի վարձատրությունը:

	2021թ. հազ. դրամ	2020թ. հազ. դրամ
Վարձատրություն Աշխատավարձ	109,535	95,246
	<b>109,535</b>	<b>95,246</b>
Վարձակալություն Վարձավճար	3,600	3,600
	<b>3,600</b>	<b>3,600</b>
	<b>113,135</b>	<b>98,846</b>

**21. Համախմբված ֆինանսական հաշվետվությունների հաստատում**

Համախմբված ֆինանսական հաշվետվությունները հաստատվել են Խմբի ղեկավարության կողմից 2022թ հունվարի 21-ին և ստորագրվել են վերջինիս անունից:

 _____ Հովհաննես Պերտրոսյան Տնօրեն		 _____ Արուսյակ Ազիզյան Գլխավոր հաշվապահ
--	---	--